

Tillaga um heimild til stjórnar ÍF um framkvæmd Íslandsmóta ÍF. (Fylgiskjal 5.0)

Lagt er til að stjórn ÍF, í samráði við íþróttanefnd viðkomandi íþróttagreinar hjá ÍF, hafi heimild til að halda Íslandsmót í íþróttagreininni í samstarfi við það sérsamband sem hefur almenna lögsögu yfir íþróttagreininni innan ÍSÍ. Stjórn ÍF er heimilt að formgera slíkt samstarf með skriflegum samningi sem útlistar samstarfið og skyldur og réttindi beggja aðila.

Rök

Frá því að neðan greind tillaga var afgreidd af þingi ÍF 2013 hafa íþróttanefndir ÍF aukið samstarf sitt við önnur sérsambönd innan ÍSÍ. Náð samstarf er með ÍF og SSÍ, FRÍ, KRAFT, KSÍ, BTÍ, GSÍ, FSÍ, KLÍ, HRÍ, ÍSS og Bogfiminefnd ÍSÍ.

Íslandsmót eru nú framkvæmd í samstarfi við sérsamböndin sem sjá að mestu um alla dómgæslu og umgjörð mótanna í samstarfi við viðkomandi íþróttanefnd ÍF. Með þessu fyrirkomulagi tryggir ÍF að mótin séu ávallt lögleg með tilliti til dómgæslu og að iðkendur íþróttanna innan raða ÍF njóti bestu mögulegu aðstæðna við keppni. Með þessu verða mótin löglega framkvæmd og viðurkennd af IPC.

Þessi þróun sem átt hefur sér stað síðustu sex árin er jákvæð fyrir afreksfólk ÍF. Með þessu fá þau aukna keppni og eru fulltrúar íþróttanefnda ÍF sannfærð um að þetta sé rétta leiðin fram á við og eðlileg þróun sem mun efla íþróttirnar til framtíðar. Íþróttanefndirnar leggja einnig áherslu á að í boði séu önnur mót sem höfði til breiddarinnar og byrjenda í íþróttum þ.e. allir fá verkefni við hæfi.

Þessi þróun á sér stað hjá öllum nágranna þjóðum okkar og er þar talin eðlileg leið sem leiðir til blöndunar fatlaðra og ófatlaðra.

Úr þinggerð sambandsþings ÍF 2013 Fylgiskjal 8 – Samþykktar tillögur -

Tillaga ÍF um Íslandsmót ÍF í sundi

Lagt er til að Íslandsmót ÍF í sundi 50m braut verði mót þar sem krafist verður lágmarka til að öðlast þátttökurétt á mótinu.

Rök: Nefnd skipuð fulltrúum ÍF og SSÍ hafa undanfarna mánuði rætt um að sameina Íslandsmót ÍF og SSÍ og mótin verði haldin er SSÍ heldur sitt Íslandsmót. Á formannafundi ÍF 2012 kom fram sú skoðun að varlega skyldi stigið til jarðar í þessu máli og kostir „sambættingar“ þessara móta vegnir og metnir. Íslandsmót SSÍ er lágmarkamót og því eðlilegt að byrja á því að skoða málið út frá því að sett verði lágmark á Íslandsmót ÍF í sundi og málið síðan skoðað í framhaldi af því.

Samþykkt:

Vísa málinu til sundnefndar til umfjöllunar og í framhaldinu til samþykktar stjórnar ÍF